

BUDŽET ZA GRAĐANE

2022. godina



www.starigrad.ba



mr. Ibrahim Hadžibajrić

Općinski načelnik

Dragi građani i građanke

predstavljamo vam "Budžet za građane" Općine Stari Grad Sarajevo za 2022. godinu i nadamo se da će zahvaljujući ovom dokumentu imati jasniji uvid u način planiranja, prikupljanja i trošenja budžetskih sredstava. Budžet općine je jedan od najvažnijih dokumenata koji predstavlja plan prihoda i rashoda za jednu poslovnu godinu. Budžet je kompleksan dokument i nije lako razumljiv građanima, te upravo zbog toga "Bužet za građane" ima za cilj da vam na jednostavan i razumljiv način pokaže kako se raspoređuju budžetska sredstva, te da putem njega pratite realizaciju postavljenih ciljeva.

Ovaj dokument pomoći će vam i da razumijete koje su to nadležnosti koje općina, kao jedinica lokalne samoprave ima, kao i koje su to oblasti za koje izdvajamo značajna sredstva iako ne spadaju u našu nadležnost. Razlog zbog kojeg to činimo je da bismo vam omogućili što kvalitetnije uslove života i olakšali vam svakodnevnicu.

Planiranje i raspored budžeta je kompleksan posao, pogotovo u sredini kao što je naša gdje su očekivanja mnogo veća od realnih mogućnosti. Ovaj dokument ima za cilj da na slikovit način prikaže koliko je zapravo teško odlučiti šta su prioriteti, te će vam istovremeno pokazati kako i na koji način se Vi kao pojedinci možete uključiti u kreiranje budžeta i da na taj način date svoj doprinos.

Priliku za učestvovanje u kreiranju budžeta svi građani sa područja općine Stari Grad imaju u osmom mjesecu (augustu) kada budžetski korisnici podnose našoj Službi za finansije zahtjeve za narednu godinu, a kroz te zahtjeve mogu biti ispoljene i potrebe građana koji djeluju putem NVO-a i udruženja. Šansa koju ne smijete propustiti je javna rasprava na Nacrt budžeta Općine Stari Grad koja može trajati od 15 do 30 dana, a kada u pisanoj formi možete dati sve svoje prijedloge nadležnoj službi. Oni će biti razmotreni i uvršteni u budžet u razumnim granicama.

Uvijek vam na raspolaganju stoje i naše mjesne zajednice koje su vaša direktna veza sa Općinom i kojima je posao da nam prenose vaše zahtjeve.

Kreiranjem budžeta na ovakav način pomoći ćete i nama da utvrdimo prioritete i ono što je građanima uistinu najpotrebnije. U konačnici, vaše aktivnije uključivanje u budžetski proces rezultirat će kvalitetnijim upravljanjem lokalnom zajednicom.

Vaš načelnik,

Šta je budžet za građane?

Budžet je ključni instrument pomoću kojeg Općina provodi svoju politiku u djela. Godišnji budžet je obično veoma kompleksan dokument koji je teško razumljiv velikom dijelu javnosti i upravo zbog toga ovaj dokument treba građanima pomoći da razumiju budžet. Nije najvažnije da budžet bude dostupan javnosti, već je podjednako važno da budžet bude pristupačan i razumljiv.

Budžet za građane predstavlja jednu vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv većem dijelu populacije.

Dokumentom koji je pred vama nastojali smo da kroz slikovite tabele, grafikone i dijagrame prikažemo prihode, rashode, javni dug, raspodjelu sredstava po projektima, oblastima itd.

Budžet Općine je jednogodišnji dokument, kojeg priprema načelnik u saradnji sa općinskim službama/sektorima, a usvaja ga Općinsko vijeće. Budžet ima karakter finansijskog plana Općine za jednu godinu i predstavlja prognozu, ali je i više od toga: odredbe budžeta su obavezujuće za općinske organe na rashodovnoj strani i predviđeni izdaci se ne bi smjeli prekoračivati bez rebalansa budžeta, odnosno bez izmjene budžeta po istoj proceduri po kojoj je donijet. Sadržaj budžeta obično čine razvijeni spisak prihoda i rashoda, zajedno sa njihovim planiranim iznosima za sljedeću godinu, kao i pratećim odredbama. Način na koji je formulisan budžet jednog organa uprave većini građana je nejasan i nerazumljiv. Iz tog razloga radi se tzv. Budžet za građane koji možete naći u mnogim razvijenim zemljama, a na mala vrata ulazi i u BiH.

Budžet za građane je svojevrsni izvještaj predstavljen u pristupačnom formatu, koristi jednostavan i jasan jezik koji građani mogu razumjeti. Ako su u stanju da razumiju, građani onda mogu ostvarivati svoja građanska prava u demokratiji, postavljati pitanja koja osiguravaju da vlast objašnjava ono šta radi u njihovo ime.

Budžet Općine Stari Grad Sarajevo za 2022. godinu iznosi 19.414.200,00 KM.



Budžet - Kraljeva kesa

Riječ "budžet" potiče od stare francuske riječi za malu kožnu torbicu. Kasnije se značenje promijenilo, pa je ista riječ označavala kraljevu kesu, odnosno biti plaćen iz budžeta značilo je dobiti novac iz kraljeve kese

Ko finansira pojedine nadležnosti?

Općina Stari Grad Sarajevo, kao jedinica lokalne samouprave u FBiH, obavlja poslove iz samostalne nadležnosti i poslove koji su joj preneseni posebnim zakonima i propisima. Uzimajući u obzir cjelokupnu ekonomsku situaciju, općina se u određenoj mjeri uključuje u finansiranje projekata i davanje pomoći pojedinim kategorijama stanovništva, koji nisu u direktnoj nadležnosti lokalnih nivoa vlasti. U narednoj tabeli prikazane su oblasti koje Općina finansira potpuno, većim dijelom (zakonskim propisima podijeljena nadležnost sa višim nivoima vlasti), u određenoj mjeri (nadležnost drugih nivoa vlasti), ili koristi donatorska sredstva.

Učešće Općine u finansiranju	Uglavnom finansira Općina (podijeljena nadležnost)	Potpuno finansira Općina (direktna nadležnost)	U manjoj mjeri finansira Općina (nadležnost drugih nivoa vlasti)	Ne finansira Općina (donatorska sredstva)
Imovinsko- pravni i stambeni poslovi	X			
Zaštita okoliša i privreda (poljoprivreda, zanatstvo, šumarstvo, ugostiteljstvo)			X	
Civilna zaštita	X			
Komunalne i druge djelatnosti		X		X
Investicije		X		X
Urbanizam i prostorno uređenje	X			
Boračka zaštita	X		X	
Socijalna i zdravstvena zaštita	X		X	
Opća uprava (takse, matični ured i sl.)	X			
Obrazovanje	X		X	
Kultura i sport	X		X	
Lokalni razvoj i OCD	X			X

Budžetski proces i budžetski kalendar

Budžetski proces se zasniva na analizi ostvarenja prihoda u proteklom periodu, procjenama ekonom-ske osnove, prioritetnim ciljevima i poslovima iz nadležnosti Općine Stari Grad, planiranim projektima i programima.

Budžetski kalendar zasniva se na odredbama Zakona o budžetima FBiH, a u skladu je sa Programom rada Općinskog načelnika i Općinskog vijeća Stari Grad Sarajevo. Aktivnosti, prema budžetskom kal-endaru počinju već u februaru tekuće godine, kada se izrađuje informacija o ekonomskoj fiskalnoj politici za tekuću godinu i procjena kretanja za naredne tri godine. Već u martu svi budžetski korisnici dostavljaju prijedloge prioriteta za izradu Dokumenta okvirnog budžeta (DOB) koji se usvaja najkasnije u šestom mjesecu.

Služba za privredu budžetskim korisnicima dostavlja uputstvo za pripremu zahtjeva za dodjelu sred-stava iz budžeta, rokove i ograničenja u pogledu potrošnje. Potom, budžetski korisnici dostavljaju zahtjeve za odobravanje rashoda sa planiranim iznosima, a na osnovu toga pristupa se izradi Nacrt budžeta.

Nacrt budžeta obavezno sadrži: detaljan prikaz javnih prihoda i rashoda budžeta, prijedlog upotrebe budžetskog suficita, odnosno izvore za finansiranje budžetskog deficit-a, funkcionalnu klasifikaciju izdataka budžetskih korisnika, prihode i izdatke svakog budžetskog korisnika u skladu sa prihodima i izdacima, klasifikacije računskog plana, visinu tekuće rezerve koja ne može biti veća od 3% budžet-skih prihoda bez primitka.

Nacrt budžeta se upućuje na usvajanje Općinskom vijeću Stari Grad Sarajevo. U ovoj fazi moguće je učešće građana putem NVO-a i grupa građana, kroz dostavljanje zahtjeva vijećnicima ili radnim tijelima Vijeća.

Općinsko vijeće utvrđuje Nacrt budžeta i upućuje ga u javnu raspravu u kojoj učestvuju: Općinsko vijeće i njegova radna tijela, političke stranke, odnosno Klubovi vijećnika, nadležna radna tijela Općins-kog vijeća, savjeti MZ-a, građani i udruženja građana sa područja općine Stari Grad Sarajevo. Nacrt budžeta objavljuje se u dnevним novinama i na općinskoj web stranici www.starigrad.ba. Primjedbe i sugestije dati tokom javne rasprave moraju se dostaviti u pisanoj formi.

Nakon završene javne rasprave, primjedbe i sugestije se sumiraju i u skladu s mogućnostima ugrađuju u tekst Prijedloga budžeta. Prijedlog budžeta dostavlja se Općinskom vijeću na usvajanje. U ovoj fazi izrade budžeta postoji indirektna mogućnost učešća građana putem amandmanskog djelovanja vijećnika. Općinsko vijeće usvaja Budžet koji se potom objavljuje u Službenim novinama Kantona Sarajevo, a budžetski korisnici se obavještavaju o iznosima odobrenih sredstava.



Tabalarni prikaz budžetskog kalendara, gdje su crvenom bojom naglašeni mjeseci kada se građani mogu uključiti u kreiranje budžeta i na koji način

Februar	Služba za finansije priprema informaciju o ekonomskoj fiskalnoj politici za tekuću godinu i procjenu kretanja za naredne tri godine (trogodišnji nivo) – najkasnije do 15. februara
Mart	Budžetski korisnici dostavljaju prijedloge prioriteta za izradu Dokumenta okvirnog budžeta (DOB) – najkasnije do 15. marta
Maj	Služba za finansije priprema Dokument okvirnog budžeta (DOB) i dostavlja Općinskom načelniku – najkasnije do 15. maja
Juni	Općinski načelnik usvaja Dokument okvirnog budžeta (DOB) – najkasnije do 30. juna. Po usvajanju DOB se objavljuje na općinskoj web stranici www.starigrad.ba
Juli	Služba za finansije izrađuje i dostavlja uputstva budžetskim korisnicima u pogledu pripreme zahtjeva za dodjelu sredstava iz budžeta, rokova za podnošenje zahtjeva, te ograničenja u pogledu potrošnje – najkasnije do 15. jula
August	Budžetski korisnici (službe i sektori) dostavljaju zahtjeve za dodjelu budžetskih sredstava Službi za finansije – najkasnije do 15. augusta. Kroz zahtjeve službi i sektora mogu biti ispoljene potrebe građana koji djeluju putem NVO-a ili udruženja građana.
Septembar	Općinski načelnik, Služba za finansije, pomoćnici načelnika i rukovodioци službi/sektora razmatraju procjene prihoda i zahtjeva za odobravanje rashoda budžetskih korisnika, konsoliduju i utvrđuju visinu sredstava za svakog budžetskog korisnika – najkasnije do 15. septembra
Oktobar	<p>Služba za finansije priprema Nacrt budžeta Općine Stari Grad Sarajevo i upućuje ga na usvajanje Općinskom vijeću Stari Grad Sarajevo. Moguće je učešće građana putem NVO-a i grupa građana, kroz dostavljanje zahtjeva vijećnicima ili radnim tijelima vijeća.</p> <p>Općinsko vijeće utvrđuje Nacrt budžeta i upućuje ga u javnu raspravu u kojoj učestvuju: Općinsko Vijeće i njegova radna tijela, političke stranke odnosno klubovi vijećnika, nadležna radna tijela Općinskog vijeća, savjeti MZ-a, građani i udruženja građana sa područja općine Stari Grad Sarajevo.</p>
Decembar	Nakon završene javne rasprave, primjedbe i sugestije se sumiraju i eventualno ugrađuju u tekst Prijedloga budžeta. Prijedlog budžeta dostavlja se Općinskom vijeću na usvajanje. Indirektna mogućnost učešća građana putem amandmanskog djelovanja vijećnika. Općinsko vijeće usvaja Budžet koji se potom objavljuje u Službenim novinama Kantona Sarajevo, a budžetski korisnici se obavještavaju o iznosima odborenih sredstava

Budžet za 2022. godinu

Općinsko vijeće Stari Grad Sarajevo utvrdilo je Budžet Općine Stari Grad Sarajevo za 2022. godinu na sjednici održanoj 30.12.2021. godine.


Budžet Općine Stari Grad Sarajevo za 2022. godinu iznosi 19.414.200,00 KM.

Kako se puni budžet Općine Stari Grad Sarajevo?

PRIHODI

Planirani prihodi sastoje se od:

- prihoda od poreza 6.065.400,00 KM;
- prihoda od poduzetničkih aktivnosti i imovine 7.300.100,00 KM;
- naknada, taksi i prihoda od pružanja javnih usluga građanima 3.751.700,00 KM;
- novčanih kazni 36.000,00 KM;
- tekućih potpora 1.961.000,00 KM
- prenesenih sredstava od otkupa poslovnih prostora 300.000,00 KM.



Struktura planiranih prihoda u Budžetu za 2022. godinu


Porezni prihodi sastoje se najvećim dijelom od indirektnih poreza, poreza na imovinu i poreza na dohodak. Općina nema direktni utjecaj na ostvarenje poreznih prihoda s obzirom na to da se oni prate i raspoređuju na višim nivoima vlasti, a planirani su u iznosu od 6.065.400,00 KM.

Neporezne prihode čine prihodi od poduzetničkih aktivnosti i imovine (planirani u iznosu od 7.300.100,00 KM, a odnose se na prihode od iznajmljivanja poslovnih prostora, stanova, zakupa garaža i sala, prodaje imovine, kamate, itd.), naknade, takse i prihodi od pružanja javnih usluga građanima (planirani u iznosu od 3.751.700,00 KM, a odnose se na zauzimanje javnih površina, sredstva rente građevinskog zemljišta, općinske komunalne takse, naknade za isticanje reklama i transparenta, itd.) i novčane kazne (planirane u iznosu od 36.000,00 KM, a odnose se na novčane kazne po općinskim propisima i ostale novčane kazne).

Tekuće potpore se odnose na grantove drugih nivoa vlasti i namijenjeni su za finansiranje i sufinansiranje projekata od zajedničkog interesa i čine svega 10% ukupno planiranih sredstava ili 1.961.000,00 KM.

RASHODI

Pored rashoda planiranih za obavljanje osnovne djelatnosti u skladu sa zakonskim nadležnostima, rashodi i izdaci su planirani na osnovu ciljeva i projekata, programa rada Općinskog načelnika i potreba mjesnih područja.



Struktura planiranih rashoda i izdataka u Budžetu za 2022. godinu

Investicije i komunalno

U oblasti investicija i komunalnih poslova planirana su značajna sredstva za sanaciju infrastrukture i osiguranje što boljih životnih uslova građana Starog Grada.

Planirano je asfaltiranje sljedećih ulica:

Asfaltiranje ulica iz sredstava Općine Stari Grad Sarajevo:

Streljačka kod broja 50 u pravcu prema ulici Sedrenik; Bostarići; Nafije Sarajlić; Pogledine od broja 2 do glavne ulice (pješačka staza); Evlje Čelebije; Bistrik 78-98; Poddžebhana; dio ulice Babića bašča od broja 2 do dječijeg igrališta; dio ulice Čeljigovići od broja 1 do broja 2; dio ulice Bistrik gornja čikma; dio ulice Pogledine od broja 25 do ulice Dolovi; dio ulice Trčivode; Karpuzova; Josipa Štadlera; Garapлина od ulice Hrvatin do broja 19; Brajkovac kod broja 18; Dariva; proširenje i sanacija puta od naselja Obhodža do Borija; Nova Baruthana od broja 14 do broja 24; Žagrići -I faza; Hadži Mustafe Bostarića (stari naziv Abadžin put) od broja 2 do broja 14; izgradnja ivičnjaka u ulici Mejlijina od broja 16 do broja 18; dio ulice Pastrma cca 50m; asfaltiranje dijela ulice i zamjena kanalizacione cijevi kod ambulante Toka-Džeka; krak ulice Faletići od ulice Baruthana do ukrštanja ulica Donje Biosko-Faletići; Hamdije Kreševljaković (parking prostor); Mustafe Dovadžije (parking prostor); sanacija dijela ulice Bakarevića sa rješavanjem problema u komunalnoj infrastrukturi; sanacija kraka ulice Iza Gaja od broja 113 do kraja ulice; sanacija kraka ulice Sedrenik od broja 322-326-lokalitet Ravne bakije

Asfaltiranje ulica iz sredstava Kantona:

Sanacija trotoara uz glavnu gradsku cestu ulica Obala Kulina bana, Telali i Mula Mustafe Bašeski-je-dionica od mosta Drvenija do skretanja za ulicu Logavina; sanacija puta Barice (prva faza); Za Beglukom-plato; rekonstrukcija makadamskog puta Apelova cesta u dužini 1000m

Potporni zidovi

Iz sredstava Ministarstva odgoja i obrazovanaj KS:

Potporni zid kod područnog objekta OŠ „Edhem Mulabdić“

Iz sredstava Općine Stari Grad Sarajevo

Potporni zid u ulici Ramića banja od broja 16 do broja 39; potporni zid u ulicama Kamenica potok broj 18 – Kamenica broj 64; potporni zid u ulici Čebedžije preko puta broja 19; potporni zid u ulici Muje Hrnjice kod broja 10 ; potporni zid u ulici Trčivode kod broja 13; potporni zid u ulici Nevjestina broj 62; sanacija potpornog zida u ulici Baruthana broj 93; izgradnja potpornog zida u ulici Pogledine kod broja 9; izgradnja potpornog zida u ulici Hadži Mustafe (stari naziv Abadžin put); sanacija potpornog zida u ulici Boguševac do broja 2; izgradnja potpornog zida u ulici Maguda čikma broj 6; Izgradnja potpornog zida u ulici Jarčedoli kod broja 53; Izgradnja potpornog zida u ulici Obhodža 7-9; sanacija potpornog zida u ulici Garaplina od broja 34 do ulice Bistrik; sanacija potpornog zida u ulici Sedrenik broj 274



Rekonstrukcija kanalizacione i vodovodne mreže

Iz sredstava Općine Stari Grad Sarajevo (912.000,00 KM) i iz sredstava Kantona Sarajevo (400.000,00 KM): Hladivode od broja 6 do broja 20 (rekonstrukcija vodovodne mreže); izgradnja separatne kanalizacione mreže u dijelu ulice Arapova (dionica od ulice Žepa do ulice Mejlina); izgradnja kanalizacione mreže – dionica ulica Baruthana od broja 71 do ulice Hladivode broj 70; izgradnja separatne kanalizacione mreže u ulici Mačkareva; Ablakovina čikma-izrada separatne kanalizacione mreže za dio ulice; Škaljin sokak od broja 5 do broja 25 (dio ulice) –rekonstrukcija vodovodne mreže; Sedrenik čikma/ Sedrenik (izmještanje dijela cjevovoda u dijelu ulice).

Popločavanje i kraldrme:

Dio ulice Bistrik gornja čikma; sanacija kamenog stepeništa u ulici Mačkareva; sanacija kraldrme u ulici Mehmedagina; sanacija kraldrmisanog stepeništa u ulici Brdo sokak; sanacija stepeništa u ulici Čeljigovići od broja 22 do broja 45; sanacija stepeništa u ulici Bistrik prema Bistrik potoku; sanacija stepeništa u ulici Fojnička; sanacija trotoara u ulici Vratnik međan od broja 56 do broja 68 i od broja 73 do broja 79; sanacija stepeništa u ulici Bostarići do broja 9; sanacija stepeništa i platoa u ulici Dženetića čikma kod broja 14; sanacija kraldrme u ulici Kačanik veliki 8-14



NAZIV PROJEKTA		BUDŽET ZA 2022. GODINU	
1	Asfaltiranje i krpljenje ulica	sredstva OSG (500.000)	1.250.000
		sredstva Kantona (750.000)	
2	Izgradnja i rekonstrukcija vodovodne i kanalizacione mreže	sredstva OSG (912.000)	1.312.000
		sredstva Kantona (400.000)	
3	Zimsko održavanje ulica		200.000
4	Potporni zidovi, rukohvati, odbojne ograde i putni odbojnici		216.000
5	Popločavanje i kraldrma, sanacija oštećenih ploča na šetnicama		200.000
6	Izgradnja, sanacija i održavanje stambeno-poslovnih i vjerskih objekata, numerisanje kuća, sanacija stambenih jedinica		373.000
7	Izrada projektno-tehničke dokumentacije		80.000
8	Niše za smeće, uređenje javnih površina, slivnici, rešetke i poklopci, horizontalna i vertikalna signalizacija		69.000
9	Sanacija javne rasvjete	javna rasvjeta (30.000)	110.000
		tunel Vratnik (80.000)	
10	Uređenje Aleje ambasadora		41.000
Ukupno			3.851.000

Izdvajanja iz oblasti obrazovanja, kulture i sporta

Za izdvajanja iz oblasti obrazovanja, kulture i sporta u 2022. godini planirana su sredstva u iznosu od 681.500,00 KM.

Iako Općina Stari Grad nema nadležnost nad obrazovanjem i obrazovnim institucijama i njihovo finansiranje je u nadležnosti Kantona Sarajevo, ipak se na godišnjem nivou izdvajaju značajna sredstva u obezbjeđivanju što povoljnijih uslova učenicima i nastavnom osoblju za njihov rad i boravak u školama. Osim toga, Općina Stari Grad Sarajevo stipendira izrazito nadarene učenike i studente sa svog područja, kao i učenike/šegrte koji se odluče za izučavanje starih i deficitarnih zanata. Stipendisti se biraju na javnim pozivima koje Općina Stari Grad Sarajevo raspisuje u periodu oktobar/novembar kalendarske godine. Visina mjesecne stipendije iznosi 120,00 KM za studente i 80,00 KM za učenike.

Kultura

Kulturna baština, podrazumijeva materijalno i nematerijalno naslijeđe određene grupe ili društva kao ostavština prošlih generacija. Nematerijalna kulturna baština podrazumijeva vještine, izvedbe, izraze, umijeća, znanja kao i instrumente, predmete, rukotvorine i kulturne prostore koji su povezani sa tim, koje zajednice, skupine i u nekim slučajevima, pojedinci prihvaćaju kao dio svoje kulturne baštine. Ovu nematerijalnu kulturnu baštinu koja se prenosi iz naraštaja u naraštaj, zajednice i grupe stalno iznova stvaraju kao odgovor na svoje okruženje, potencirajući tradiciju i znamenitosti stečene kroz historiju koja im pruža osjećaj identiteta i kontinuiteta, te na suptilan način utiče na poštivanje kulturne raznolikosti i ljudske kreativnosti.


Njegovanje i promocija kulturno-historijskih vrijednosti na kojima se temelji ova starogradска općina jedan je od zadataka utvrđenim Statutom ove jedinice lokalne samouprave.

Općina Stari Grad Sarajevo navedenim sredstvima finansira i održavanje brojnih školskih takmičenja i turnira, te održavanje škole plivanja i škole skijanja za starogradske osnovce.

Općina Stari Grad, u cilju uključivanja osnovaca u sportske aktivnosti i podizanja svijesti o potrebi bavljenja sportom kod najmlađih, već nekoliko godina organizuje lige u fudbalu, košarci, stonom tenisu odbojci, robotici i šahu, za što se također izdvajaju značajna sredstva.

Kroz planirana sredstva u budžetu finansiraju se besplatne užine za osnovce koji potiču iz porodica slabijeg materijalnog stanja, a za učenike koji žive u naseljima gdje nije uspostavljen ili je neredovan gradski saobraćaj, na osnovu sporazuma sa kantonalnim Ministarstvom saobraćaja, obezbjeđuje se alternativni prijevoz. Također se vrši finansiranje prijevoza učenika sa teškoćama u razvoju.

U prilogu je tabelarni prikaz izdvajanja u oblasti obrazovanja, kulture i sporta.



NAZIV PROJEKTA		BUDŽET ZA 2022. GODINU
1	Prijevoz	330.000
2	Stipendije	146.000
3	Socijalna inkvizija (sufinansiranje školarina, ekskurzija, užina, nabavke udžbenika, prevoz djece sa invaliditetom)	72.000
4	Lige osnovnih škola + robotika	21.000
5	Sufinansiranje sportskih projekata	20.000
6	Kulturno-umjetničko društvo Baščaršija"	13.000
7	Kulturno-umjetničko društvo "Biseri sevdaha"	6.000
8	Sarajevo film festival	25.000
9	Grant institucijama nauke i kulture	5.000
10	Školska takmičenja i organizacija istih, vannastavne aktivnosti	11.500
11	Grant kategorisanim sportašima	5.000
12	Tekući transferi vjerskim zajednicama	15.000
13	Grant Zavodu Mjedenica	7.000
14	Inkluzija kroz kulturu i sport	5.000
Ukupno		681.500



Služba za lokalni razvoj i poslove mjesnih zajednica i podrška organizacijama civilnog društva

Služba za lokalni razvoj i poslove mjesnih zajednica Općine Stari Grad i u 2022. godini kao okosnicu svog djelovanja imat će realizaciju infrastrukturnih i drugih projekata donatorskim sredstvima koja se osiguravaju kroz projekte koje radi ova Služba, zatim rad sa organizacijama civilnog društva, brigu o osobama treće životne dobi itd. Također, lokalni razvoj podrazumijeva i stalno ažuriranje, iniciranje i izradu projektnih prijedloga, te izradu programa kojima Općina aplicira na javne pozive.

Za organizacije civilnog društva po Javnom pozivu je planiran grant u iznosu od 80.000 KM, a koji će biti raspoređen po utvrđenoj proceduri – LOD metodologiji.

U budžetu Općine Stari Grad za 2022. godinu za projekte zapošljavanja Službe za lokalni razvoj i poslove mjesnih zajednica planirano je 70.000 KM, za brigu o osobama treće životne dobi 20.000 KM, te za Roditeljsku kuću-Srce za djecu koja boluju od raka 10.000 KM.

Tabelarni prikaz raspodjele sredstava za lokalni razvoj i poslove mjesnih zajednica i podrška organizacijama civilnog društva

NAZIV PROJEKTA		BUDŽET ZA 2022. GODINU
1	Projektne aktivnosti	957.000,00
2	Tekući transfer udruženjima građana po Javnom pozivu	80.000,00
3	Zapošljavanje	70.000,00
4	Grant za roditeljsku kuću-Srce za djecu koja boluju od raka	10.000,00
5	Briga o osobama treće životne dobi	20.000,00
6	Mladi	5.000,00
Ukupno		1.142.000,00



Izdvajanja u oblasti poljoprivrede

Za podsticaj poljoprivredne proizvodnje u Starom Gradu u 2022. godini planirano je 96.000,00 KM. Izdvajanjem ovih sredstava nastaviti će se trend podrške razvoju poljoprivredne proizvodnje u ruralnim dijelovima Općine kroz donaciju plastenika, podsticaj stočarske proizvodnje, pčelarstva, voćarstva itd.

I u 2022. godini u planu je podjela plastenika, pčelarske opreme, stočne hrane, sadnog materijala za plastenike i sjemenskog materijala za proizvodnju na otvorenom.

Kroz projekat "Razvoj stočarstva u Starom Gradu" nastaviti će se podsticanje razvoja govedarstva, ovčarstva, kozarstva i peradarstva u najstarijoj sarajevskoj općini.

NAZIV PROJEKTA		NACRT BUDŽETA ZA 2022. GODINU
1	Ratarstvo (nabavka plastenika i sadnog materijala)	35.000
2	Stočarstvo i nabavka mehanizacija	25.000
3	Zdravstvena zaštita, prevencija i nadzor domaćih životinja	8.000
4	Stimulisanje poljoprivredne proizvodnje	15.000
5	Voćarstvo	5.000
6	Pčelarstvo	8.000
Ukupno		96.000




Raspodjela sredstava civilne zaštite

Pregled strukture planirane potrošnje sredstava iz općinskog Budžeta ostvarenih u skladu sa članom 179. Zakona o zaštiti i spašavanju ljudi i materijalnih dobara

- Planom utroška finansijskih sredstava za 2022. godinu, planirani su izdaci za rad Službe Civilne zaštite Općine Stari Grad Sarajevo i izdaci koji proizilaze iz nadležnosti Općine, propisani članom 29. i 30. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH br. 39/03, 22/06, 43/10" u daljem tekstu: Zakon o zaštiti i spašavanju) i Zakona o zaštiti od požara i vatrogastvu ("Službene novine Federacije BiH, br: 64/09")
- U skladu sa Odlukom i članom 184. Zakona o zaštiti i spašavanju, prema odredbi ovog člana sredstva posebne naknade služe isključivo za: 1. Pripremanje, opremanje i obuku Općinskih štabova Civilne zaštite, Službi zaštite i spašavanja i jedinica civilne zaštite koje organizira Općina i povjerenika Civilne zaštite Općine, kao i troškove koji nastanu tokom njihovog učešća u provođenju mjera zaštite i spašavanja po naređenju Općinskog štaba Civilne zaštite; 2. Opremanje pravnih lica u dijelu kada postavljeni zadaci tim licima nadilaze njihove materijalne mogućnosti; 3. Prilagođavanje i održavanje drugih zaštitnih objekata potrebama sklanjanja ljudi i materijalnih dobara; 4. Nabavku i održavanje sistema za uzbunjivanje stanovništva; 5. Saniranje dijela šteta nastalih prirodnim i drugom nesrećom u skladu sa svojim materijalnim mogućnostima; 6. Druge potrebe zaštite i spašavanja u skladu sa Zakonom ili drugim propisima.

OPĆINSKI BUDŽET		NACRT BUDŽETA ZA 2022. GODINU
1	Gorivo za prevoz	3.000
2	Naknade članovima OŠCZ- Stari Grad	14.000
3	Grant UVD Vratnik	40.000
4	Izdaci za poreze I doprinose na dohodak od druge samostalne djelatnosti povremenog samostalnog rada	11.000
UKUPNO		67.500



Grafički prikaz

Služba za boračko-invalidsku i socijalnu zaštitu

Planirana sredstva za izdvajanje iz oblasti boračko-invalidske i socijalne zaštite za 2022. godinu iznose više od 877.000 KM.

Za redovnu djelatnost boračkih udruženja koja djeluju na području općine Stari Grad Sarajevo planirano je 60.000 KM, a za stipendiranje djece boračke populacije za 2021/2022. godinu planirano je 200.000 KM.

U oblasti socijalne zaštite sredstva su raspoređena na grantove humanitarnim organizacijama, javnim kuhinjama, jednokratne socijalne pomoći, kao i pomoć za liječenje građana za što je planirano 428.000 KM.

Grant za porodilje s područja općine Stari Grad Sarajevo u 2022. godini iznosi 104.000 KM.

Za bajramske hedije i hedije povodom Dana Općine boračkim kategorijama planirano je 45.000 KM.

Planiran je zaseban grant Fondu za šehidska mezarja 25.000 KM.

NAZIV PROJEKTA		NACRT BUDŽETA ZA 2022. GODINU
1	Stipendije za djecu boračke populacije	200.000
2	Socijalna i jednokratna pomoć za liječenje građana, jednokratna pomoć osobama oboljelim od celijakije i paraplegije, te grant po osnovu zdravstvene zaštite lica	283.200
3	Grantovi humanitarnim organizacijama i javnim kuhinjama (Narodna kuhinja Stari Grad, Udrženje penzionera Stari Grad, MDD 'Merhamet', Dobrotvor, Crveni krst Stari Grad)	120.000
4	Grant za vantjelesnu oplodnju	25.000
5	Grant za porodilje Stari Grad	104.000
6	Grantovi boračkim organizacijama za redovnu djelatnost	60.000
7	Grant pojedincima za Dan Općine i Dan šehida	45.000
8	Grant Fondu za šehidska mezarja	25.000
Ukupno		862.200



Budžet za građane Općine Stari Grad Sarajevo predstavlja jednu vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv većem dijelu građana.

Budžet za građane je dokument pisan jednostavnim i jasnim jezikom koji građani mogu razumjeti. Ako su u stanju da razumiju, građani onda mogu ostvarivati svoja građanska prava u demokratiji i postavljati pitanja koja osiguravaju da vlast objašnjava ono što radi u njihovo ime.

Pogledajte Budžet za građane, a u slučaju da je ostalo nešto nejasno i nedorečeno, kontaktirajte nas na dole navedene adrese.



Kontakt sa građanima:



+00 38733282343



info@starigrad.ba
edina.osmanagic@starigrad.ba



Općina Stari Grad Sarajevo
Zelenih beretki 4

Impressum:

Izdavač: Općina Stari Grad Sarajevo

Pripremili: Služba za odnose s javnošću i informacioni sistem

Grafički dizajn: Safet Mališević

Sarajevo, januar, 2022. godine